

**Javna ustanova Opća bolnica
„Prim. dr. Abdulah Nakaš“
Upravni odbor
Broj: 297-125/19
Sarajevo, 31.10.2019. godine**

Na osnovu člana 20. stava 2. tačke n) Statuta Javne ustanove Opća bolnica „Prim. dr. Abdulah Nakaš“ i člana 36. Poslovnika o radu Upravnog odbora Javne ustanove Opća bolnica „Prim. dr. Abdulah Nakaš“ Upravni odbor na 25. (dvadesetpetoj) redovnoj sjednici održanoj dana 31.10.2019. donosi

O D L U K U

o odobrenju troškova reprezentacije (razne robe u trgovinama na malo)

Član 1.

Ovom Odlukom odobravaju se sredstva u iznosu od 500,00 KM mjesečno u svrhu reprezentacije za potrebe Kabineta direktora (razne robe u trgovinama na malo),

Član 2.

Finansijska sredstva za nabavku iz člana 1. Odluke će biti obezbjeđena na osnovu ugovora sa ZZO Kantona Sarajevo o finansiranju Opće bolnice.

Član 3.

Zadužuje se Odjeljenje za ekonomsko-finansijske poslove za realizaciju ove odluke.

Član 4.

Ova Odluka stupa na snagu danom donošenja.

Stupanjem na snagu ove Odluke prestaje da važi Odluka o odobrenju troškova reprezentacije broj 108-127/16 od 28.07.2016. godine.

O b r a z l o ž e n j e

Na 25. (dvadesetpetoj) redovnoj sjednici održanoj 31.10.2019.godine Upravni odbor je razmatrao pitanje troškova reprezentacije za Kabinet direktora.

Šef Odjeljenja za ekonomsko-finansijske poslove Ibrahim Kasumović, dipl.ecc. je podnio Prijedlog za povećanje iznosa reprezentacije sa dosadašnjih 500,00 KM na mjesečnom nivou, koliko je imao direktor Opće bolnice u skladu sa Odlukom o odobrenju troškova reprezentacije Upravnog odbora broj 108-127/16 od 28.07.2016. godine, na 700,00 KM na mjesečnom nivou,

odnosno da se za troškove reprezentacije (razne robe u trgovinama na malo) odobri 500,00 KM na mjesečnom nivou, a za troškove reprezentacije za Kabinet direktora (razne usluge – hotelske, restoranske i ostale usluge) odobri 200,00 KM na mjesečnom nivou.

Troškovi reprezentacije uključuju:

- (1) Rashodi na ime ugošćavanja poslovnih partnera koji su povezani s obavljanjem djelatnosti ili uspostavljanjem poslovne suradnje predstavljaju porezno priznate rashode u skladu sa članom 12. stav (1) Zakona o porezu na dobit, uključujući, a ne limitirajući se na troškove smještaja, hrane i pića, sporta, rekreacije i razonode, zakupa automobila, upotrebe privatnog automobila u službene svrhe i sl., koji nastaju isključivo kod ugošćavanja poslovnih partnera.
- (2) Pokloni u pojedinačnoj vrijednosti većoj od 20,00 KM ne smatraju se reprezentacijom, te se ne uključuju u ukupan rashod reprezentacije prilikom obračuna porezno priznatog rashoda reprezentacije.
- (3) Isplate fizičkim osobama koje su umjetnici, zabavljači ili profesionalni sportisti predstavljaju porezno priznate rashode na ime sponzorstva ukoliko se isplaćuju s protuuslugom reklamiranja imena, djelatnosti, proizvoda i usluga sponzora.
- (4) Rashodi na ime reprezentacije i sponzorstva smatraju se porezno nepriznatim rashodom ukoliko su nastali u odnosima s pravnim osobama koje su povezane osobe u smislu člana 44. stav (3) Zakona o porezu na dobit.

Nakon provedene diskusije, jednoglasno je prihvaćen prijedlog predsjednika Upravnog odbora dr. Seada Željo da se iznos troškova reprezentacije za Kabinet direktora (razne robe u trgovinama na malo) i troškovi reprezentacije za Kabinet direktora (razne usluge – hotelske, restoranske i ostale usluge) poveća sa već odobrenih 500,00 KM na 800,00 KM na mjesečnom nivou, odnosno da se za troškove reprezentacije (razne robe u trgovinama na malo) odobri 500,00 KM na mjesečnom nivou, a za troškove reprezentacije za Kabinet direktora (razne usluge – hotelske, restoranske i ostale usluge) odobri 300,00 KM na mjesečnom nivou.

Obzirom na izneseno u skladu sa članom 20. stav 2. tačka n) Statuta Javne ustanove Opća bolnica „Prim. dr. Abdulah Nakaš“ i člana 36. Poslovnika o radu Upravnog odbora Javne ustanove Opća bolnica „Prim. dr. Abdulah Nakaš“ odlučeno je kao u dispozitivu.

PRIPREMILA:
Amira Petrović, BA općeg prava
Sekretar Upravnog odbora



Predsjednik Upravnog odbora
Dr. Sead Željo

DOSTAVITI:

- Upravni odbor
- Kabinet direktora
- Odjeljenje za ekon.fin.poslove
- Odjeljenje za pravne, kadr.i opće poslove
- A/a